

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 254356 24 St
Zenica, 10.04.2025. godine

Općinski sud u Zenici, stečajna sutkinja Sanja Pavlić, u stečajnom postupku nad društvom DRUŠTVO SA OGRANIČENOM ODGOVORNOŠĆU „OAZA-GOLD“ TEŠANJ, ul. Maršala Tita b.b, Jelah, Tešanj, koji je pokrenut po prijedlogu predlagatelja DRUŠTVO SA OGRANIČENOM ODGOVORNOŠĆU „OAZA-GOLD“ TEŠANJ, ul. Maršala Tita b.b, Jelah, Tešanj, koga zastupa Muamer Bedaković, direktor društva, za otvaranje stečajnog postupka nad samim sobom kao stečajnim dužnikom kao podnositeljem prijedloga, donio je 10.04.2025. godine, sljedeće:

R J E Š E N J E

Pokreće se prethodni postupak radi utvrđivanja uvjeta za otvaranje stečajnog postupka nad stečajnim dužnikom DRUŠTVO SA OGRANIČENOM ODGOVORNOŠĆU „OAZA-GOLD“ TEŠANJ, ul. Maršala Tita b.b, Jelah, Tešanj.

1. Za privremenog stečajnog upravitelja imenuje se Haris Vehab, Srebrenička br.18., Tešanj.
2. Privremeni stečajni upravitelj dužan je:

- utvrditi da li postoje razlozi i uslovi za otvaranje i vođenje stečajnog postupka, te podnijeti izvještaj sudu u roku od 30 dana.
- utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti
- obezbijediti imovinu i starati se o imovini dužnika,
- izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
- ispitati da li imovina stečajnog dužnika može pokriti troškove stečajnog postupka
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
- dužan je da stečajnom sucu položi račun i podnese izvještaj o svom radu za period privremene uprave.

3. Ovo rješenje se dostavlja strankama, objavljuje na oglasnoj tabli suda, web stranici suda-elektronskoj tabli suda, „Službenim novinama Federacije BiH“ i na internet stranici FIA-e.

O b r a z l o ž e n j e

Predlagatelj kao stečajni dužnik je ovom sudu podnio prijedlog za otvaranje stečajnog postupka 12.12.2024. godine u kojem navodi da se stečaj provede iz razloga što je putem pošte zaprimio Poziv Porezne uprave F BiH Ispostava Tešanj, za pokretanje stečajnog postupka kako bi se moglo izvršiti brisanje društva “OAZA GOLD” d.o.o. Tešanj.

Radi utvrđenja da li postoji stečajni razlog i da li postoje uvjeti za otvaranje stečajnog postupka sud je odlučio pokrenuti prethodni postupak i u tom pravcu imenovao je privremenog stečajnog upravitelja Vehab Harisa sa stalne liste stečajnih upravitelja, te je naložio da izvrši sve radnje navedene u izreci ovog rješenja, a sve u skladu sa odredbama čl. 61. stav 1. i 2. i čl. 63. Zakona o stečaju („Sl. Novine F BiH“ broj: 53/2021 i 19/25).

Na osnovu iznesenog, primjenom navedenih propisa odlučeno je kao u izreci rješenja.

PRAVNA POUKA:

Protiv ovog rješenja stečajni dužnik može izjaviti žalbu Kantonalnom sudu u Zenici u roku od 8 dana, putem ovog suda, od dana prijema rješenja. Žalba se podnosi u dva primjerka.

Stečajna sutkinja
Sanja Pavlić